

## 卷第十七

## 治丹毒瘡方第一

《病源論》云：夫丹者，人身體，忽然赤，如丹塗之狀，故謂之丹也。或發手足，或發腹上，如手掌大，皆風熱惡毒所為。重者，亦是疽之類，不急治則痛，痛不可堪。久乃壞爛，去膿血數升。若發於節間，便流之四肢，毒入腹殺人。小兒得之最忌。

又云：白丹者，初發癢痛，微虛腫，如吹，疹起不痛不赤，而白色也。由挾風冷，故使色白也。

黑丹者，初發亦癢痛，或腫起，微黑色也。由挾風冷，故色黑。

赤丹者，初發疹起，大者如連錢，小者如麻豆，肉上粟粟如雞冠肌理。由風毒之重，故使赤也。亦名茱萸丹。疹者，肉色不變，又不熱，但起隱疹，相連而微癢，故謂丹疹之。

室火丹者，初發時必在腓腸，如指大，長二、三寸，皮色赤而熱之。

天灶火丹者，發時必在於兩股裡沖，引至陰頭而赤腫是也。

廢灶火丹者，發時必於足趺上，而皮色赤者是也。

尿灶火丹者，丹發於胸腹及臍，連陰頭皆赤是也。

煙火丹者，丹發於背，亦在兩臂，皮色赤是也。

火丹者，丹發於髀，而散走無常處，著處皮赤是也。

螢火丹者，丹發於髀至脅，皮赤是也。

石火丹者，丹發通身，似纈。自突如粟是也，皮色乃青黑也。

《短劇方》云：丹毒者，方說一名天火也，肉中忽有赤如丹塗，赤色也。大者，如手掌大。其劇者，竟身體。亦有痛癢微腫者。方用：

赤小豆二升，舂，下篩，以雞子白和如泥塗之，小乾複塗之，逐手消也。竟身者，倍合之盡，複作，納宜服漏蘆湯。漏蘆湯方。

漏蘆(二兩) 白(二兩) 黃芩(二兩) 白薇(二兩) 枳實(二兩) 升麻(二兩)  
夕藥(二兩) 大黃(二兩) 甘草(二兩) 麻黃(二兩)

凡十物，咀，以水一斗，煮取三升，分三服，若是窮地無藥之處，依說增損易服之。及用後單行方也。能以鋒針去其血，然後敷藥，大良。

增損方法：無漏蘆，用梔子十枚；無白，亦可略耳；無黃芩，亦用梔子；漏蘆、黃芩並無者，但以梔子一物，亦足已之；無升麻，用犀屑；無犀屑，用蛇銜；無大黃，用芒硝；無麻黃，用葛根；無葛根，用石膏；無白薇，用知母；無知母，用葳蕤；無葳蕤，用枳實；芍藥、甘草亦可略耳；都無藥，但得大黃單服之，亦大善。

升麻湯治丹疹諸毒腫□ 漬方：

升麻(二兩) 黃芩(二兩) 梔子(二十枚) 漏蘆(二兩) 蒴根(五兩) 芒硝(二兩)

凡六物，咀，以水一斗，煮取七升，停冷分用，漬□ 恆濕也。

升麻膏治丹疹諸毒腫熱瘡方

升麻(二兩) 黃芩(二兩) 梔子(二十枚) 白(二兩) 漏蘆(二兩) 枳實(三兩，炙) 連翹(二兩) 蒴根(四兩) 芒硝(二兩) 蛇銜(三兩)

凡十物，切，舂碎細細，以水三升，漬半日；以豬脂五升，煎令水氣竭，去滓，敷諸丹毒腫熱瘡上，日三。若急須之，但合水即煎之。

又云：單用一物，舂以敷之方：(今按：《集驗方》同之。)

生蛇銜 生地黃 生蒴葉 生慎火葉 生菘菜葉 生五葉藤 春豆豉 浮萍  
上八物，一一別搗，別塗之。

大黃 黃芩 梔子 芒硝

上四物，各舂，水和，各塗之。

《葛氏方》云：丹大者，惡毒之氣，五色無常，不即治，既痛不可堪，又待懷，懷則去膿血數升，或發於節解，多斷人四肢。蓋癰疽之類。治之方。

又方：煮栗蒺有棘刺者以洗之(和名久利乃伊芳加。)

又方：取赤雄雞血，和真朱以塗。

又方：豬膏，和胡粉塗之。

又方：搗麻子以塗之。

又方：葉塗之。

又方：以慎火塗之。

又云：治白丹方。

又方：漬蟻螬塗之。

又方：末鼓以苦酒和塗之。

又方：搗香 若蓼，敷之。

又方：燒鹿角，以豬膏和塗之。

又方：搗酸模草五葉者，飲汁，以滓敷之。

又云：治猝毒瓦斯攻身，或腫或赤，或痛或癢，淫奔分散，上下周匝煩毒欲死方：

取生魚切之如膾，以鹽和敷之。通身赤者，□ 多作，令竟病上。乾複易之，鮒魚為 佳。

《集驗方》治丹若走皮中浸廣者，名為火丹，入腹殺人。治之方：

取蟻螬末，以塗之。

又云：若通身赤者方：

取婦人月布敷之，又取汁以浴小兒。

又方：搗大黃，水和塗之。

又方：搗梔子，水解塗之。

又方：水和芒硝塗之。

《范汪方》治白丹方：

破生鯉，熱血敷之，良。

《千金方》治丹神驗方：

芸苔菜搗令熟，濃封，隨手即癢。餘氣未愈，三日來封，使醒醒好癢止，乾則封。

又方：牛屎塗之，乾則易之。

又云：赤流腫者：

榆根白皮末，雞子白和，塗之。

《醫門方》云：凡人面目忽得赤黑丹如疥狀，不療，遍身即死方：

以豬槽下泥塗之。

又方：燒鹿角末，和豬脂塗之。

《蘇敬本草注》云：搗茺蔚敷之。

又云：苧根搗貼之。

《極要方》丹腫方：

生鯽魚肉搗如泥塗之。

《博濟安眾方》云：以連錢草，以鹽敷之。

《崔禹錫食經》云：敷水中苔，良。

## 治癬瘡方第二

《病源論》云：癬病之狀，皮肉上隱疹如錢大，漸漸增長，或圓或斜，癢痛。有匡郭，裡生蟲，搔之有汁。此由風濕邪氣客於腠理，複值寒濕與血氣相搏，則血氣痞澀阻絕。謂之發此病。按《九蟲論》云：蟻蟲在人腸內，變化多端，發動亦能為癬，而癬內實有蟲也。

《養生方》云：夏不用屋而露面臥，露下墮面上，令面皮濃，喜成癬也。

乾癬，但有匡郭，皮枯索，癢搔，搔之白屑出是也。皆是風濕邪氣客於腠理，複值寒濕為血氣相搏所生。若其風毒瓦斯多，濕氣少，故風沉入深，故無汁，為乾癬也。其裡亦生蟲。

濕癬亦有匡郭也，如蟲行，浸淫，亦濕癢，搔之多汁成瘡。是其風毒瓦斯淺，濕多風少，故為濕癬也。其裡亦生蟲之。

風癬是惡風冷氣客在皮，折於血所生。亦作圓紋匡郭，但抓搔頑痺，不知痛癢是也，其裡亦生蟲。

白癬之狀，白色澱澱然而癢。此亦是腠理虛受風，風與氣並，血澀而不能榮肌肉故也。

牛癬，俗云以盆器盛水飲牛，用其餘水洗手面，即生癬，名為牛癬。其狀皮濃，抓之靳強而癢是也。其裡亦生蟲。

圓癬之狀，作圓紋隱起，四畔赤，亦癢痛是也。其裡亦生蟲。

狗癬，俗云狗舐之水，用洗手面即生癬。其狀癩微。白點綴相連，亦微癢是也。其裡亦生蟲。

雀眼癬，亦是風濕所化。其紋細似雀眼，故謂之雀眼癬，搔之亦癢。其裡亦生蟲。

刀癬，俗云以磨刀水，用洗手面而生癬，名為刀癬。其狀無匡郭，縱斜無定是也。其裡亦生蟲。

《葛氏方》治癬瘡方：

以好苦酒於石上磨桂，以塗之。

又方：苦酒磨柿根塗之。

又方：乾蟾蜍燒末，以膏和，塗之立愈。

又方：蓼葉塗之。

又云：治濕癬方：

刮瘡上，火炙麋脂塗之。末蛇床子，豬膏和，敷之。

又方：取母草以刮癬上，取癢止。

又云：治燥癬方：

水銀和胡粉塗之。

又方：雄雞冠血塗之。

又方：熬胡粉令黃赤色，苦酒和如泥，敷上，以紙貼之，乾更塗之。

又方：搗桃白皮，苦酒和，塗，瘡。

又方：以 樹汁塗之。

《千金方》治癬秘方：

搗羊蹄根，分著罌中，以白蜜和之，先刮瘡邊傷，先以蜜和敷之，若炊一石米頃拭去，更以三年大酢和，以敷癬上，燥便瘡。若刮瘡少許處，不傷，即不瘡。

又云：凡癬積年不瘡，隨有之處，皆用得愈方：

取自死蛇，燒作灰，臘月豬脂和塗，即愈。

《范汪方》：治癬濕方：

取羊蹄根，細銼數升，以桑薪灰汁煮四、五沸，絞去滓，以汁洗瘡。

《僧深方》治癬方：

末雄黃，酢和，先以布拭瘡，令傷，以藥塗上，神效不傳。

又方：附子一枚，皂莢一枚，九月九日茱萸四合。

上三物，下篩為散，搔癬上令周遍汁出以散敷之。若乾癬，以苦酒和散，以塗其上，神良，秘方。

又云：治癬積年不愈方：

取鯁，炙而食之，勿食鹽、酢。三過三食便愈，當時乃當小盛，此欲愈也。

又云：治蝸癬浸淫日長，癢痛，搔之黃汁出，瘡複發方：

日未出時，北向取羊蹄根，勿令婦人、小兒見，洗去土，切搗，淳苦酒和洗瘡，去痂以敷上一時，間以冷水洗之，日一敷。又可取根搯之，神良。日未出取者，不欲歇加根上。

《極要方》療濕癬方：

上，以日未出時。採取羊蹄根，其根須獨，並不得有杈枝，不得令見風。切搗為末，和羊酪，著少鹽，於日中曝雨食久，以塗癬上。

又方：取椿葉面著癬上，是匙背打，使極碎，即裹之，勿令葉落，無不瘥者。

又云：療乾癬積年痂濃，搔之黃水出，逢陰雨即癢方：

上，取巴豆肥者一枚，於炭火上燒之，令脂出，即於斧上，以指研之，如杏子塗癬上。薄塗不過一兩度便愈。

又方：作艾炷以灸之，隨灸隨瘥。

又方：搗馬齒汁，搯之，洗之，效。

《博濟安眾方》：一切癬、惡瘡、小兒頭瘡方：

以水銀、白礬石、蛇床子、黃連，和豬脂敷之。

《蘇敬本草注》：東壁土摩之，乾濕兼治也。

《陶景本草注》云：艾葉、苦酒煎塗之。

《本草經》云：搗酢漿草敷之，殺諸小蟲，又治惡瘡也。

《廣利方》：療諸癬瘡，或濕痛，癢不可忍方：

以醋磨石留黃，塗上。

又方：苦楝皮，燒作灰，和豬脂塗上。

### 治疥瘡方第三

《病源論》云：疥有數種，有大疥，有馬疥，有水疥，有乾疥，有濕疥。多生手足，乃至遍體。大疥者，作瘡有膿汁，赤癢痛是也。馬疥者，皮肉隱嶙起，

作根，搔之不知痛，此二種則重。水疥者，作如癩漿，摘破有水出。此一種小輕。乾疥者，但癢，搔之皮起作乾痂。濕疥者，起小瘡，皮薄，常有汁出，並皆有蟲，人往往以針頭挑得，狀如水內蟲。此悉由皮膚受風邪熱氣所致也。《九蟲論》云：蟻蟲多作疥。

《葛氏方》治卒得疥瘡方：

豬膏煎芫花以塗之。

又方：麻油摩硫黃塗之。

又方：鍛石二斗，以水五斗，湯洗，取汁，先拭瘡，以此灰汁洗之。

又方：東行練根刮末，苦酒和塗。通身者，濃煮，以浴佳。

又言：酒漬苦參飲之。

《集驗方》治疥湯方：

蜀椒四合，以水一斗，煮三沸，去滓，令溫，洗疥。

又方：大麻子一升搗令破，煮如粥，以曲一斤著中，塗之，治馬疥最良。

《刪繁方》治癬及疥等亂髮膏方：

亂髮(如鴨子大一枚) 鯽魚(一頭) 雄黃(二兩) 八角附子(一枚) 苦參(一兩) 豬膏(一枚)

凡六物，煎，搗附子三物為末，猛火煎豬膏、發、魚，令盡，納末藥，敷瘡上。

《范汪方》治疥水銀膏方：

水銀(一兩二分，一方二兩) 黃連(一兩) 黃柏(一兩，炙) 藍漆(一兩) 亂髮(二分，燒成灰)

凡五物，搗下篩，和以神明膏三合，令相得，塗疥上，日三。神良。

又方：羊蹄根搗，豬脂和塗，或小與鹽。

《極要方》胡粉膏療疥方：



胡粉(三兩) 水銀(二兩) 松脂(二兩) 豬膏(六兩)  
上，煎成去滓，納水銀、胡粉，和調。塗瘡上，日二。

又方：苦酒摩野狼跋子塗之，效。

又方：用椿木葉，以煮汁洗之。

又方：以酢磨練實根塗之。

《陶景本草注》：柳葉煮以洗之。

又方：漏蘆根，苦酒磨以敷之。

《蘇敬本草注》：取柏枝燒其下，承取汁名（音諸），甚治疥也。

《本草稽疑》云：野狼血塗之久疥，良。忌食魚一月，永瘥，效。

#### 治惡瘡方第四

《病源論》云：諸瘡生身體，皆是體虛受風熱，風熱與血相搏，故發瘡。若風熱挾濕毒之氣者，則瘡癢痛腫，而瘡多汁，身體壯，謂之惡瘡也。

《養生方》：銅器蓋食，汗入食，發惡瘡、內疽。

又云：醉而交接，或致惡瘡。

又云：井水和粉洗足，不病惡瘡。

又云：飲酒熱未解，以冷水洗面，令人面發瘡，輕者渣。

《劉涓子方》治惡瘡方：

用杏仁熬令黃黑，豉熬令黑焦，膏和敷上。

《錄驗方》甘氏烏膏治天下眾瘡，醫術不能瘥，有蟲者，悉治之方：

水銀(一兩) 黃連(二兩) 墨(二分)

上三物，豬膏和，熟，研調如脂，敷不過二三，即愈。秘方。《僧深方》於潛墨云云。）

《范汪方》治惡瘡中生肉挺出方：

末石留黃敷之，有汁著末，無汁以唾和，敷之。

《僧深方》治惡瘡肉脫出方：

烏頭末，以敷瘡中，惡肉立去。佳。

《千金方》治惡瘡方：

燒篇竹灰，和楮白汁封。

又方：河水煮白馬屎，十沸，洗之。

又云：十年不瘥者方：

鹽湯洗，以地黃葉貼之。

又方：燒 豬屎一升，敷之。

又方：燒苦瓠子末，敷之。

又方：燒鯽魚灰，和醬清敷之，主一切惡瘡。

又方：以牛屎熏即愈。凡瘡皆可熏。

又云：惡瘡十年不瘥似癩方：

蛇蛻皮一枚，燒之末，下篩，豬脂和敷之。

又方：苦瓠一枚， 咀，煮取汁洗瘡，日三。

又云：惡瘡名曰馬疥，其大如錢方：

以水煎自死蛇一頭，令爛去骨，以汁塗之手下，瘥。

《葛氏方》治大人、小兒猝得諸惡瘡，不可名識者方：

燒竹葉，以雞子中黃和塗之。

又方：取牛膝根，搗塗之。

又方：取 螂蟲絞取汁，敷瘡，瘡中蟲即走出。

又方：臘月豬膏一升，亂髮如鴨子一枚，生鯽魚一頭。合煎令消盡，不沸止。又納末雄黃、雌黃、苦參屑各二兩，大附子一枚，令攪凝，盛器。以敷諸瘡，無不瘥。

又云：若瘡中惡肉突出者：

末烏梅屑，敷瘡中，佳。

《極要方》療一切惡瘡十年以上，並漏瘡及疥癬作孔，久不瘥方：

黃連（一兩） 蘆茹（一兩） 蛇床子（一兩） 石（一兩，別搗） 水銀（半兩）  
上搗篩，以臘月豬脂和如稀泥，下水銀，令銷盡即成，先以泔清洗瘡，然塗藥訖，仍以黃柏末，綿沾粉之，令不污衣。

《集驗方》治惡瘡身體面目皆爛有汁方：取生魚三寸者，並少豉，合搗令熟，以塗之，燥復塗。

又云：治惡瘡方：

練子（一升） 地榆（五兩） 桃仁（五兩） 苦參（五兩）  
水一斗，煮取四升，溫洗之。

又云：惡瘡，人不能名者方：

取頭垢，豬脂和，塗瘡中。

## 治熱瘡方第五

《病源論》云：諸陽氣在表，陽氣盛則表熱，因運動勞役，腠理則虛而開，為風邪所客，風熱相搏，留於皮膚則生瘡。初作癩漿，黃汁出，風多則癢，熱多則痛，血氣乘之，則多膿血，故名熱瘡之。

《短劇方》熱瘡者，起瘡便生白膿是也。

《劉涓子方》治猝發熱瘡方：

炭長二尺許，燒令赤，以水二升，灌之出炭，取汁浴之即愈。

《錄驗方》治熱瘡黃連粉散方：

水銀(熬) 黃連 胡粉(熬, 各一兩)

凡三物, 先搗黃連, 下篩。然後合三物熟和之, 鹽湯洗瘡, 拭令淨, 藥敷之, 日二。

### 治夏熱沸爛瘡方第六

《病源論》云：盛夏之月，人膚腠開，易傷風熱，風熱毒瓦斯搏於皮膚，則生沸瘡。其狀如湯之沸，輕者，匝匝如粟粒；重者，熱汗浸漬成瘡，因以為名，世呼為沸子。

《新錄方》治夏月熱沸瘡方：

細篩鍛石粉上。

又方：以生桑葉揩上。

又方：酢漿煮洗之。

又方：以水萍揩塗之。

又方：搗菟絲苗揩塗之。

《令李方》治人身體熱沸生瘡方：

礬石(四兩, 熬) 白善(六兩, 熬)

凡二物, 治篩, 先以布拭身, 乃以藥粉之, 日二。

今按：《師說》云：嚼瘡者，風邪在皮肉間，夏時蒸熱氣時成瘡，如風矢，先癢後痛。色赤白，隱疹如粟米大，治之方：

柚葉, 煮水洗之。

又方：煮梔子葉洗之, 亦研梔子粉之。

又方：粟粉敷之。若熱盛赤血者方：草舂絞, 塗, 並煮洗之。

### 治浸淫瘡方第七

《病源論》云：浸淫瘡，是心家有風熱，發於肌膚。初生甚小，先癢後痛而成瘡。汁出浸淫肌肉，浸淫漸闊，乃至遍體。其瘡若從口出流散四肢則輕，若從四肢生然後入口則重。以其漸漸增長，因名浸淫瘡也。

《葛氏方》治猝得浸淫瘡，轉廣有汁，多起於心。不早治之，繞身周匝則殺人方：

以雞冠血塗之。

又方：新牛屎，絞取汁塗之，燒以熏之，佳。

又方：胡燕窠末，以水和敷之。

《錄驗方》天麻草湯方：

天麻草切五升，以水一斗五升，煮取一斗，分洗，以殺瘡癢也。

《極要方》療身上瘡，瘡汁所著處即成瘡，名曰浸淫，癢不止方：

黃連（一兩）黃柏（一兩）蘆茹（一兩）石（一兩）甘草（一兩）生胡粉（一兩）上搗甘草以上為散。胡粉於子中著熬令黃，和之為散。欲敷藥，先以苦參汁洗，故帛拭乾即著藥，不過三四度即瘥。

《蘇敬本草注》云：生嚼胡麻塗之。

《集驗方》治猝毒瓦斯攻身，或腫，或赤，或痛，或癢，淫並分散。上下周匝，煩毒欲死方：

取生魚，切之如作膾，以鹽和敷之。若通身多作，令竟病上。乾復易之。

《千金方》治浸淫瘡方：

以煎餅，熱敷之取止，神良。

## 治王爛瘡方第八

《病源論》云：王爛瘡者，由腑臟實熱，皮膚虛而受風濕，風濕與熱相搏，故初起作瘰癧，漸漸王爛，大汗流浸漬，故曰王爛也。亦名王灼瘡，以其初作

瘰癧，如湯火所灼也。又名洪燭瘡，其初生如沸湯洒，作瘰癧赤爛如火燭，故名洪燭也。

《葛氏方》治大人、小兒猝得王灼瘡，一名瘡，一名王爛瘡，此瘡初起作漿。似火瘡，故以灼爛為名。燒牛屎，篩下以粉之。

又方：熬秫米令黃黑，搗以敷。

又方：煮小豆汁，納雞子，絞以洗之良。

又方：末黃連、胡粉，油和塗之。

《短劇方》有洪燭瘡，身上忽生瘰癧，如沸湯洒。劇者，竟頭面，亦有胸脅腰腹通如火湯，瘰癧起者是也。治之法：

急宜服漏蘆湯下之，外宜以升麻湯浴，但倍分多煮之，以浴之。其間敷升麻膏佳。若窮地無藥者，但依治丹法，用單行草菜方也。（《千金方》同之。）

《范汪方》治王爛瘡方：

大麻子，大豆等葦桶中納之，熱灸蒸篇頭，取汁塗瘡上，再過愈。

《僧深方》治王爛瘡方：

胡粉（燒令黃） 青木香 龍骨 滑石（各三兩）

上四物，治篩畢，以粢粉一升和之，稍稍粉瘡上，日四、五愈。

## 治反花瘡方第九

《病源論》云：反花瘡者，由風毒熱相搏所為。初生如飯粒，其頭破即血出，便生惡肉，漸大有根，膿汁出，肉反散如花狀，因名反花瘡。凡諸惡瘡，久不瘥者，亦惡肉反出，如反花形之。

《龍門方》治反花瘡方：

取柳樹枝葉為煎，塗之，大驗。

又方：燒馬齒草灰敷之，驗。（今按：《千金方》搗封之。）

《千金方》治反花瘡，並治積年諸瘡不瘥者：

取鼠粘草根，細切，熟搗，和臘月豬膏封之，取癢止。並一切久不癢諸腫惡瘡，漏瘡皆癢。大大神驗。

又方：取蜘蛛膜貼瘡上，數易之，神驗。

《救急單驗方》療反花瘡方：

燒鹽末，敷驗。

## 治月蝕瘡方第十

《病源論》云：瘡生於兩耳及鼻面間，並下部諸孔竅側，侵食乃至筋骨。月初則瘡盛，月末則瘡衰，以其隨月死生，因名之為月蝕瘡也。

又云：小兒耳下生瘡，亦名月蝕。世雲小兒見月，以手指指之，則令病引瘡也。其生諸孔竅，有蟲，久不癢，即變成也。

《葛氏方》治大人小兒猝得月食瘡方：

於月望，夕取兔屎，仍以納蝦蟆腹中，合燒末，以敷瘡上驗。

又方：取羅摩草汁，塗。

又方：燒蚓矢令赤，豬膏和敷。

《集驗方》治月蝕瘡方：

鼓皮如手，淳苦酒三升，漬一宿，以塗瘡上。

又方：煮枯鮑魚，以洒之。

《范汪方》：治月蝕瘡，諸惡瘡方：

燒仇道末，敷之。瘡無汁者，膏和塗。亦可以蝦蟆膏塗之。

《令李方》治月食瘡，茱萸根散方：

用茱萸根、蘆葦根各二兩。凡二物，冶合，下篩，生鹽作湯洗瘡，以散粉上。日三。

《龍華方》治月蝕瘡骨出方：

豬脂和杏仁，敷之良。

### 治惡露瘡方第十一

《短劇方》云：凡以八、九月刺手足，以犯惡露，殺人不輕也。治之方：

用生竹若桑枝兩三枚，郁著火中為推引之，令極熱，研碎斷之。正以頭注瘡口上，熱盡，復易著一枚，盡三枚，則瘡當正白爛。乃取薤白，搗，以綿裹之，著熱灰中，使極熱，乃去綿，取薤以薄瘡上，以布帛急包裹之。若瘡故腫者，更為之。若已中水及惡露風寒腫痛者，以鹽數合，急折著瘡上，以火灸之，令熱達瘡中，畢，以臘納竹管中，以管貯熱灰中炮之，臘烱以灌瘡。若無鹽、薤者，但臘便可單用。

又云：治惡露瘡方：

取蒲若敗青布，於小口器中，若坎中燒，以熏之，瘡中汁出盡則愈。

《千金方》云：取韭搗之，以薄瘡口上，以火灸之，令熱徹瘡中便愈。

### 治漆瘡方第十二

《病源論》云：漆有毒，人有稟性畏漆，但見漆，便中其毒。喜面癢，然後胸臂脾皆悉癢，面為起腫，繞眼微赤，諸所癢處，以手搔之，隨手輦展，起赤，消已，生細粟瘡甚微。有中毒輕者，証候如此。其有重者，遍身作瘡，小者如麻豆，大者如棗杏，膿燃疼痛，摘破小定或小瘡，隨次更生。若火燒漆，其毒瓦斯則厲，著人急重；亦有性自耐者，終日燒煮，竟不為害。

《廣濟方》療漆瘡腫痛方：

嚼糯米敷上，四、五度瘥。忌熱面、飲酒。

《葛氏方》治猝得漆瘡方：

以雞子黃塗之，乾復塗，不過三。

又方：煮柳葉，適寒溫以洗之。



又方：搗韭，令如泥以塗之。

又方：搗蟹塗之。

又方：嚼秫米塗之。

又方：煮香，以漬洗之。

又方：慎火若雞腸草以塗之。

《極要方》療漆瘡方：

鹽湯洗之。

又方：馬尿塗之。

《耆婆方》治漆瘡方：

荏菜汁塗之。

又方：煮生椒湯洗上。

又方：梔子和水塗之。

《范汪方》治漆瘡方：

芒硝二合（一方五兩），以水一升，漬自消，色縹以洗之。一方：湯漬。

《錄驗方》治漆瘡方：

黃櫨木一斤，銼，鹽一合，以水一斗，煮取五升，去滓，冷洗。神方。

《救急單驗方》療漆瘡方：

以水五升，煮椒一升，十餘沸，去椒水，冷洗，立瘥。（今按：《耆婆方》煮生椒云云。）

《集驗方》治漆瘡洗湯方：

蓮葉燥者一斤，以水一斗，煮得五升，洗漆瘡上，日二。

又方：取豬膏塗之。

又方：宜啖肥肉。

《陶景本草注》云：削材作柿，煮洗，漆，無不瘥。

《崔禹食經》云：敷水中苔，良。

### 治瘡方第十三

《病源論》云：瘡者，由膚腠虛，風濕之氣，折於血氣，結聚所生。多著手足間，匝匝相對，如新生茱萸子。痛癢抓搔成瘡，黃汁出，浸淫生長，圻裂。時瘥時劇，變化生蟲，故名瘡。又有燥、濕候。

《葛氏方》：治猝得瘡，瘡常對，在兩腳及手足指，又隨月生死方：

以白犬血，塗之立愈。

又方：以苦酒，和黃灰塗之。

又方：搗桃葉，以苦酒和，瘡上塗之。

又方：煮苦酒，沸，以生韭一把納中，熟出，以敷瘡上，即愈。

又方：亂髮、頭垢等分，蝸牛殼二七枚，合燒末，臘月豬膏和敷之。

《僧深方》治方：

取石上菖蒲，搗，豬膏和，敷瘡，濃二分，先洗去痂。

又方：灸瘡上最良。

《千金方》：凡一切瘡方：

灸足大趾奇間二七壯。

又灸大指頭亦佳。

又方：酢一升，炒薤一把篤之。

又方：灸，敷上。

又方：炒臘月糖敷上。

又方：燒故履系末敷之。

又方：燒肥松取脂塗之。

又云：燥 方：酢和灰塗。

又方：熱牛屎塗之。

又云：濕 方：燒乾蝦蟆，豬脂和敷之。

《錄驗方》云：蕪菁子一升，熬，下篩，以絹裹之，輾轉瘡上，日三。

《廣濟方》療 久不瘥方：

取豉熬為末，以泔漬洗，乾拭。又和麻油塗上，以故油衣裹三日，開。

#### 治疽瘡方第十四

《病源論》云：疽瘡，是瘡之類也，非癰疽之類。世雲 疽即是此也。多發於肢節腳 脛間，相對而生，匝匝作細孔，如針頭，其裡有蟲，癢痛，搔之黃汁出，隨癢隨發。皆風邪 客於皮膚，血氣之所變生。亦有因諸淺瘡，經久不瘥，癢痛抓搔之，或衣揩拂之，其瘡則經 久不瘥，而變作疽瘡者，而瘡裡皆生細蟲。

《僧深方》治男女面疽 疥癰疽諸瘡方：

附子(十五枚) 蜀椒(一升) 冶葛(一尺五寸，去心)

上三物，咀，以苦酒漬一宿，豬膏二升，煎附子，黃膏成，摩瘡。亦治傷寒，宿食不 消。酒服如棗，覆取汗。

《錄驗方》治疽瘡有蟲癢附子散方：

附子(八分，炮) 藜蘆(二分，熬)

凡二物，冶合下篩，納瘡中，當有蟲出，日三。

《范汪方》治疽瘡方：用胡粉，以豬膏和如泥，敷瘡上，良。

《劉涓子方》治疽瘡方：

烏賊魚骨作屑，鯽魚膽十四枚，和取與散合，敷瘡上不三，愈。

### 治蠅瘡方第十五

《葛氏方》治猝得蠅瘡方：此瘡繞人腰脅，甚急痛。鹽三升，以水一斗，煮取六升。及熱，以綿浸湯中，瘡上。

又方：燒鹿角，苦酒和塗之。

又方：練皮及枝，燒作灰，敷之。

又方：末赤小豆，苦酒和塗。若燥者，豬膏和塗。

又方：胡粉塗之。

又方：末蚯蚓矢，敷之。

《短劇方》云：有 蝮蟲尿人，歇便令人病也。其狀，身中忽有處慘痛也。痛如芒刺，亦如蟲所吮螫，然後起細，作聚如茱萸子狀也。其 邊赤，中央有白膿如粟粒是也。亦令人皮肉急劇，惡寒壯熱。劇者，連起竟腰、脅、胸、背也。初得時便以水磨犀角塗之，以止其毒，治之如火丹法，並諸草藥單行治也。

又云：蝮尿人，初未發瘡之時，欲與射公相似，射公瘡，正有一處，黯黑，蝮瘡，□□ 連聚作。痛法，亦小疹以為異耳，然非殺人疾也。

《千金方》尿瘡方：

取廁前人尿泥塗，立瘥，絕驗，更不須餘方。

又方：嚼大麥，敷之，日三。

又方：搗豉封上。

又方：熟嚼梨葉塗。（《極要方》同之。）

《極要方》療蠅 尿瘡集集然黃水出方：

甘草湯洗之。

又方：搗韭汁塗之。

又方：嚼麻子塗之。

又方：黃柏末，和豬脂塗上，明日以鹽湯洗。

又方：嚼桂塗之。

《如意方》治蠹瘡術：

雞腸草敷之。

《廣濟方》療蠹尿繞腰欲死方：

取敗蒲扇，煮取汁洗之。

又方：取扁豆葉，搗汁塗之，立效。

《集驗方》治蠹方：

槐白皮半斤，切，以苦酒二升漬半日，刮去瘡處以洗，日五、六。

又方：以豬脂，燕巢中土，苦酒和以敷之。

### 治諸瘡爛不肯燥方第十六

《醫門方》云：諸瘡爛燥方：

柳白皮，燒末敷瘡上。湯火瘡用柏白皮亦佳。

《救急單驗方》洗百瘡方：

取槐白皮、柏葉各一大握，銼。以水三升，煮取一升，洗百瘡並癢。

### 治諸瘡中風水腫方第十七

《僧深方》治瘡中風水腫方：

炭白灰(一分) 胡粉(一分)

凡二物，以豬脂和塗瘡腫孔上，即水出痛止，大良。

《葛氏方》治因瘡而腫，皆坐中水及中風寒所作也，其腫入腹則殺人。治之方：

桑灰汁，溫以漬之，大良。

又方：燒白茅為灰，以溫湯和之，以濃封，瘡口乾輒易之，不過四、五。(《千金方》同之。)

《范汪易方》治諸瘡因風致腫方：

取櫟木根，便剝取皮三十斤，銼，煮令熟，納藍一把(一方，鹽一升)，令溫溫熱以漬瘡，膿血當出，日日為之則愈。(今按：《葛氏方》無藍有鹽。《千金方》以水三石煮。)

《龍門方》治凡瘡中風水腫痛方：

取青蔥葉，及乾黃葉，和煮作湯，熱浸之。

又方：莨菪根燒令熱，微切頭熱注瘡上，冷易。

《集驗方》治因瘡腫劇者，數日死，或中風寒，或中水，或中狐屎棘刺方：

燒穰(如關反，禾莖也)草及牛馬屎、生桑條，趣得多煙者熏之，令汁出則愈。(今案

《葛氏方》黍稻穰云云。)